

Taiðraa : Māreto 13.33 - 37.

Irava tuaroï : Māreto 13.33 «E haapaò maitai, e faaitoitto, e e pure, aita hoi òutou ìte i taua tau ra»

Ei haamanaðraa : Te haamanað faahouhia atu nei tātou, te feiā taið veà, mai te peu e, e pāhonora ta tātou i niā i teie uiraa, a faatae noa mai i te reira i te Piha Òhipa a te Veà Porotetani i te Faatereraa a te Etārētia i te Pū no Pāðfai.



Te tahi mau manað tātara i niā i te taiðraa

I roto i teie tau puè irava hopeà no teie pene 13 no te evaneria a Mareto, e au teie mau parau e horoàhia nei, mai te tahi mau parau faaitoitto i te feiā tiai no te hoìraa mai o te Tamaiti a te taata, no te mea, aita te parau no te mahana e te hora no to na hoìraa mai i haapāpūhia. Te mea pāpū rā, e hoi mai ihoā o ia. Te auraa, ia pārahi ineine noa ia te feiā tiai i roto i te tiāraa i taua hoìraa mai no na ra, no te mea, te tiāraa, e tāpura òhipa teie tei pūpūhia e te fatu fare i roto i te rima o te taata tiai tei ia na te ora o te ùtuafare i te horoàraa hia.

I niā i te parau no to na hoìraa mai, te haapāpū atoà ra letu e, aita atoà o ia i ìte i te mahana e te taime e tupu ai te reira, no te mea, na te Atua anaè te reira faaotiraa e rave, eiaha ia te taata e faanaho i ta na taið mahana e ta na hora no te hoìraa mai o te Tamaiti a te taata, mai teie e ìte pinepinehia nei i teie mahana. Te tuhaa noa a te taata, o te ìtera ia e, e hoi mai ihoā to na Fatu, òre noa atu o ia e ìte i te mahana e te taime e tae mai ai o ia. E tāpura òhipa tei horoà hia ia na, e poroi atoà tei horoà hia ia na, o te tiā i te taata ia haapaò pāpū i te reira i te mau taime atoà o to na oraraa. Oia mau, ua riro mau to tātou oraraa i te mau mahana atoà mai te tahi faaineineraa tuutuu-òre i roto i te tiāraa i te hoìraa mai o te Tamaiti a te taata.

Mai te peu e, te titauhia nei te taata i roto i teie parau ia haapaò, ia faaitoitto e ia pure, tāpaò faaite te reira e, te faaara atea hia nei o ia i te tahi tāpura òhipa ta te Atua e faanaho na na i roto i ta na tiāraa e ta na faaineineraa no te fārii i te Tamaiti a te taata. Eita atu ra e noaa i te taata ia horoà i te tahi pariraa, e aita o ia i faarahia. Mea pinepine te reira huru manað te ìtehia i roto i te taata i teie mahana, tei riro atoà ei rāveà na na no te hunaraa i to na paruparu. Haamanað noa na tātou i te parau no na pōtiti tino àhuru tei

tonohia e tiai i te haereraa mai o te tāne faaipoipo āpī. E pae tei haapaò pāpū i ta rātou tuhaa, e pae rā, i roto i to rātou ineine-òre, manað atu ra ia e haere e tāparu i te tahi vāhi faaroo i te feiā tei faaineine i te vāhi mōri i roto i ta rātou mau fārii.

O te huru faaineineraa atoà ia e te huru tiāraa atoà ia e ìtehia ra i roto i teie parau. Te auraa, e ara, eiaha te faaroo ia paruparu, eiaha te vārua ia riro i roto i te here-pata a te taòto, a riro atu ai te reira manuiaraa o te ènemi, ei faaite mai i te paruparu o te taata. E haapaò maitai, e faaitoitto e e pure ia òre te fare ta te Fatu i pūpū i roto i to tātou rima ia noaa i te haru a vētahi è.

Te uiraa : Eaha te faufaa no te faaineineraa tei papahia i niā i teie parau no te haapaò maitai, te faaitoitto e te pure.

Pāhonora e tātaraa i niā i te uiraa no te tuaroï N° 8 :

Uiraa : Te maitai rahi o teie òfai. Pāhonora : E òfai ora no te ora o te taata.

Tātaraa : I roto i te parapore no te feiā faaapu tei tonohia i roto i te òvine, tei faaitehia i roto i te evaneria a Mātaio 21.40-44, ua haapāpū letu i reira i te huru faautuāraa ta te Atua e rave i niā i te feiā tei òre i fārii i te Tamaiti, tei faaauhia i te òfai tei faaruēhia e te feiā patu, tei riro mai rā ei òfai tiāvā.. I niā iho hoi i teie òfai,

i reira te Atua e faatiā faahou ai i te tahi fare āpī, tei mono atu i te fare tahito no te aratairaa tahito a te nunaa àti-luta. E taua òfai tiāvā ra, o te Metia iho ia, tei riro ei niu e ei upoo no te Etārētia e tei horoà ia na na roto i to na pohe ei òfai ora no te ora o te taata.

Te taata e faatiā i to na oraraa e to na tiaturiraa i niā i teie òfai, eita o ia e haapeapea i te mau mea o teie nei ao. Te manað teie tei moēhia i roto i te oraraa o te mau hoa rave òhipa o letu iho. Haamanað noa na tātou i to rātou tere i roto no Tarirea, vāhi matai itī, vāhi àre itī, e rā te faaroo ua tāuēuē, no te mea, aita i mau pāpū i niā i teie òfai, te papa no te ora. E au rii ia i terā fare tei haamauhia i niā i te one, ia mairi te ua, e rā e paeinu atu ra. Oia atoà te oraraa o te feiā faaroo i teie mahana, tei òre i niu i to rātou oraraa e to rātou faaroo i niā i teie òfai.

Pāhonora e tātaraa i niā i te uiraa no te tuaroï N° 9 :

Uiraa : Eaha te papa no te tahi tāviniraa mau.

Pāhonora : Te here e te aroha. Tātaraa : Te here e te aroha, e parau rahi roa teie i roto i te oraraa o te taata i teie mahana, ta te Pīpīria i faaite mai ia tātou. Aita

teie parau i pāpāhia i te mau reta o te Pīpā, tei roto roa rā i te òhipa to na heheuraa mai i to na hohoà mau. Ua api teie Parau a te Atua i teie parau, ta te Atua iho hoi i faaite mai na roto i te tahi tāpaò, oia hoi ta na Tamaiti o letu Metia, tei riro ei papa no te tahi tāviniraa mau, tei faaite mai i to te Metua manaðnaò i te maitai o ta na mau tamarii.

E parau ora teie, ia òre ia àtu-tuhia e ia òre ia faaamuhia i te parau a te Atua, e paruparu te here e te aroha, mai te taura ia òre ia haapaòhia to na fenu, e pē. Oia atoà ta tātou tāviniraa i teie mahana, ia òre ia papahia i niā i teie nei parau, e riro te reira ei tāviniraa paruparu. E tuhaa rahi teie e titauhia i te taata tātai tahi i roto i to na oraraa, no te faaite i teie parau no te here e te aroha, e te faairi hoi i te reira mai te pure tāmahana. E rima toro teie i te taata i roto i te àti, e aau hōhora teie i te taata tei hinaaro i te tahi maa tauturu itī, ia huru au rii te oraraa o te taata.

Julien Mahaa

Toahotu i te 21 no Atopa 1996  
Maeva i te Veà porotetani, la ora na outou paatoà i te aroha o te tatou Atua mau.  
Ei manað pahonora i niā i teie uiraa i roto i te Mataio 21.42., te nao ra teie uiraa : «Te maitai rahi o teie òfai»

Pahonora

- 1 - Oia te toapu no lteraera (Tenete 49/21)
- 2 - Oia te tamarii i te aau ofai (Etetiera 36/26)
- 3 - Ofai ora e te maitai rahi (1 Petero 2/4)
- 4 - Ofai tupoje i te poiari aratai i te maramarama (1 Petero 2/9)

- 5 - Ofai teatea (Apootarupo 2/17)
- 6 - Tei tiaturi i taua ofai ra e ore ia e haama (Toma 9/33)
- 7 - Ofai arai (Roma 8/34)
- 8 - Ofai faaoromai (Itaia 43/7)
- 9 - Ofai haehaa (Philipi 2/7)
- 10 - Ofai faaora i to te ao (Ioane 3/16)

Aita i faariiha, ua faaruēhia roa e te taata, terā mai te mau pahonora, teie mau manað e farii mai i te tapaò no te aroha. Ia ora na i te aroha o te Atua.

Te tahi pahonora no Toahotu